

誠齋集

五

誠齋集卷第九十五

廬陵楊

万里

廷秀

解

天問天對解引

子讀柳文每病於天對之難讀杜少陵曰讀書難字邇然則前輩之讀書亦有病於難而終則易焉子豈前輩之敢望哉因取離騷天問及二家舊注釋文而酌以子之意以解之庶以易其難云

天問天對解 屈原問 柳宗元對

問曰遂古之初誰傳道之上下未形何由考之遂古往古也太古天地未分之說傳之者誰何以考究

對曰本始之茫誕者傳焉鴻靈幽紛焉可言焉古蓋茫乎其不可考也傳其有初者虛誕者為之也鴻荒靈恠幽深紛紊何可得而言哉且不可得而言也考且得而考也耶

問曰冥昭瞢闇誰能極之鴻翼惟像何以識之明明闇闇惟時何為

日月之夜冥晝昭何以然也其理瞢然而闇誰能窮極之者天地之鴻鴻而盛滿萬形之翼翼

而衆多何以然也其像初誰識而命之者人物之明明鬼神之間闇是又誰為之者時是也鴻鴻盛滿翼翼衆也見顏師古漢書禮樂志桂華鴻鴻翼翼

對曰智黑眇眇往來也屯屯昧昧華化惟九氣存而何為焉智音忽

智奕昭晰而為晝昏黑窈眇而為夜蓋月往月來月往日來自爾而已屯屯而昧昧則冥昭瞢闇之理蓋不可得而窮極也二儀之盛滿者自盛滿爾萬形之衆多者自衆多爾人物之明明者自明明爾鬼神之闇闇者自闇闇爾倏焉而草泯焉而化此其厖昧之氣像蓋不可得而測識也日月晝夜之由不可窮也天地人物鬼神之由不可識也又孰有為之者哉蓋亦強名之曰惟元氣存而已智奕見漢郊祀志謂昧爽也問曰陰陽三合何本何化圓則九重孰營度之惟茲何切孰初作之

獨陰不生獨陽不生獨天不生三合然後生此穀梁子之言也陰陽三合若之何而本原若之何而化生天休之圜也孰與之營造而能圜天

重之九也孰與之量度而有九九如此者奚而功誰之作哉

對曰合焉者三一以統同吁炎吹冷交錯而功無營以成沓陽而九轉轉音火渾淪蒙以圈號冥凝玄釐無功無作

陰陽之合以三而元氣統之以一炎者元氣之吁也冷者元氣之吹也吁而吹吹而吁炎而寒寒而炎交錯而自爾功者也其始無本其未無化天之九重者陽數之合沓而積者爾天之圈體者一氣輪輪而渾茫者爾鳥有所營鳥有所度哉其凝而結也冥然而凝莫見其所以凝其釐而治也玄然而釐莫見其所以釐鳥有所功鳥有所作哉蒙如也號名也天之圈亦豈真圈耶人不見其陰而見其圈故加之以圈之名而已故曰蒙以圈號

問曰天維焉繫極極焉加八柱何當東南何虧九天之際安放安屬

天維之幹旋何所繫綴天地之垠涯又何所加八柱九天亦同此問也

對曰烏俟繫維乃縻身位無極之極淋彌作垠或

形之加孰取大焉皇熙疊疊胡棟胡宇完離不屬焉恃天八柱無青無黃無赤無黑無中無旁焉降乎天則

天有繫以維則羈縻其休與位矣天無待於繫者也天有極以加則有形而不大矣天無極而大者也皇熙者天大而廣也天廣大而疊疊不息不棟不宇全然離物而無所連屬豈有八山為柱之恃哉九天者東曰皞天東南曰陽天南曰赤天西南曰朱西曰成西北曰幽北曰玄東北曰鸞中央曰鈞天也天無色而亦無方豈有九天之涯際哉

問曰隈隅多有誰知其數天何所沓十二焉分日月安屬列星安陳

天地之旁角誰知其衆多之數天運之會合何以有子丑之辰辰者日月所會也沓合也日月列星亦同此問屬音注又音樹

對曰巧欺淫誑幽陽以別無隈無隅焉情厭列折導刻筵午施旁豎鞠明究曠自取十二非余之為焉以告汝規燬魄洲大虛是屬葛施葛葵葛音專葵音廷竹也楚人咸是焉託潛美折竹以卜孔切

巧謂機巧也。淫謂巫史之淫聲也。午施者布筭於中而橫也。旁堅者布筭於邊而直也。鞠者推也。規者圓也。燬者月也。魄者缺也。淵者月也。目者火之精故曰燬。日無缺故曰規。燬也。月者水之精故曰淵。月至望後生魄則缺故曰魄。淵也。萬榮者星也。蓋天地之列位有幽陰陽明之別而已。烏有所謂隈隅旁角也哉。謂之有隈隅旁角者機巧淫聲之言欺誑云爾。天運之推移有晝而明夕而闇而已。烏有所謂十二辰之定名也哉。謂之有十二辰者卜筮之人折竹施布以推究晝夜者之強名自取云爾。然則隈隅之數十二之名豈天之作為哉。是皆非天之所作為。則屈子以此問天天亦何以告屈子也。故曰非余之為焉。以告汝余者天也。汝者屈子也。至於日月安屬則有所屬焉。太虛是屬是也。列星安陳則亦託於太虛焉。故曰咸是焉託。

問曰出自湯谷次于蒙汜自明及晦所行幾里夜

光何德死則又育厥利維何而顧兎在腹

湯谷蒙汜日出入之所也夜光月也汜音祀湯

青暘

對曰輻旋南畫軸奠于北軌彼有出次惟汝方之仄平旋旁運烏有谷汜當焉為明不逮為晦度引久窮不可以里燬炎莫麗淵迫而魄遐遠乃專何以死育玄陰多缺奚咸厥兎不形之形惟神是類輻以喻天體軸以喻天極天運而極不動月之行邇天而旋以成畫者也。彼孰有所謂出孰有所謂次也哉。惟人見其方之仄而東則謂日出於東見其方之仄而西則謂日次於西彼未始有出次也。平旋旁運亦未始有陽谷與蒙汜也。當日之所及則為晝而明不當月之所及則為夜而晦。曆家引三百六十五度之說為日之行者其說久則亦窮矣。又豈可以里而計哉。日之光炎也可逮而不可並也。月迫而並焉則月之光不勝目是以魄而缺烏有所謂死月遠而遠焉則月之光得以專是以明而盈烏有所謂育月之陰也以缺為體也以陰咸陰兎者陰之類也以缺咸缺兎者缺之形也。

問曰女岐無合夫焉取九子

王逸云女岐神女無夫而生九子

對曰陽捷陰淫降施蒸摩岐靈而子焉以夫為

妓女既曰神靈則不夫而子也宜

問曰伯強何處惠氣安在

王逸云伯強疫鬼也惠氣和氣也

對曰怪瀰冥更伯強乃陽順和調度惠氣出行時
屈時縮何有處鄉

瀰猶瀰也更去聲怪而瀰怪冥而更冥瀰怪與
更冥合此伯強之所以生也和順既調則惠氣
行矣故伯強緣瀰氣而屈惠氣以瀰氣而縮者
也惠氣以和順而屈伯強緣和順而縮者也莫
非一氣也又烏有伯強居處之鄉

問曰何閭而臨何闕而明角宿未且曜靈安藏
角東方星曜靈月也

對曰明焉非闕臨焉非藏孰且孰幽繆隱于經蒼
龍之寓而廷彼角九

且之明不得不明非有所開而明夕之幽不得
幽非有所藏而幽謂之有經隱百傳者之繆也
彼日之出於蒼龍之東特寓焉耳豈真以角九
之宿為月之廷者耶故激其詞曰蒼龍之寓而
廷彼角九乎廷猶太微三光之廷

問曰不任汨瀉師何以尚之舍咎何憂何不謀而

行之鳩龜曳銜鼈何聽焉順欲成功帝何刑焉永
邇在羽山夫何三年不施伯禹懷鼈夫何以變化
纂就前緒遂成考功何績初繼業而厥謀不固洪
泉極深何以寘暗之地方九州則何以墳之應龍
何畫河海何歷鼈何所營禹何所成

王逸云汨治也瀉瀉水也師衆也充放鼈於羽
山飛鳥蟲曳銜鼈而食之三年不施謂不舍其
罪也鼈很慢而生禹何以變鼈之慢洪水之
淵泉極深禹何以填塞墳分也九土禹何以能
分別禹治水時有神龍以尾畫導水徑焉万里
曰汨謂亂不任汨瀉者謂鼈之才不能任治水
之事故於瀉水反汨亂奔潰而益甚也書曰鼈
堙洪水汨陳其五行王逸東漢人時古文尚書
未出故誤爾

對曰惟鼈說說音說陳聖而尊恒師厖蒙乃尚其祀
后惟師之難瞻頤使試盜堙息壤招音招帝震怒賦
刑在下投棄于羽方陟九子以胤功定地胡離厥
考而鵠龜肆喙氣孽宜害而嗣續得聖汙塗而蕩
大固不可以類胥窮覽步搖播勸陪厥十有三載
乃蓋考醜宜儀形九疇受是玄寶各成厥尊昭生

于德惟氏之繼夫孰謀之式行鴻丁墮厥丘乃降焉填絕淵然後夷于土從民之宜乃九干野墳厥貢藝而有上中下胡聖為不足反謀龍智魯鍾究勤而欺畫厥尾

鮪很悞而詭譎故近堯舜之聖而其孽不移師言推之尚之蓋衆人之蒙而不知其圯族故也后惟師之難帥疑當作師謂堯難於違衆不得已深贖感頌而使試焉鮪乃盜埋上帝之息壤以招上帝之震怒故刑而棄之於羽山堯於是升其子禹以嗣其功以鮪之孽而生禹之聖此如汙泥之生芙蓉夫豈以類云乎哉鮪之昏愚之昭何害於姒氏之繼豈有所謂厥謀之不同哉行鴻水而下頌之此所以降丘宅土也初無所謂實洪泉之說也從民之宜而分九土此本於禹之聖而勤也初無所謂龍尾畫之說也為此說者皆欺者為之也左氏傳國武子好畫言言以招人過所謂招帝震怒與此招同柳子息壤記云昔之異書有記洪水滔天鮪竊帝之息壤以堙洪水帝乃令祝融殺鮪于羽郊

問曰康回馮怒地何故以東南傾

馮怒見左傳馮猶盛滿也馮怒者盛怒也王逸康回共工名也共工與顓頊爭為帝不得怒而觸不周之山天維絕地柱折故東南傾

對曰國熹廓大厥立不植地之東南亦已西北彼回小子胡顛隕爾力夫誰駭汝為此而以慰天柱國熹天也天謂屈原曰天之廓大者亦立於虛而無所植則地之立豈有植乎地之東南傾亦猶吾之西北傾也已者天自謂也是地之東南傾莫知其然而然也豈康回小子之力所能觸而折絕乎誰為是說以駭汝而汝以此說慰擾天聽也陸賈傳云母女恩汝為

問曰九河何錯川谷何洿音東流不溢孰知其故洿深也

對曰州錯富媪安定于趾蹂川靜分形有高卑音東窮歸壘又環西盈脉穴土區而濁濁清清墳壘燥疏涿渴而升充融有餘泄漏復行器運激激又何溢為

水涸者地脉之收水流者地脉之行燥則收衍則流人見其常顯流而窮於東也不知其已陰涿而環於西也人之氣血降而不升則人先矣

水者天地之氣血也東而不西流而不收則天地有不死乎然則水之穴於土區也如運行於一器之內激激焉爾積而不運則溢也運而不積則又何溢為哉富媼后土神也前漢書禮樂志云媼神宴娛趾丁也崑墟海也激激水流貌

音攸

問曰東西南北其脩孰多

脩長也

對曰東西南北其極無方夫何傾洞課技脩長

湏音胡孔切

問曰南北順隤其衍幾何

隤音安狹長也衍廣也

對曰茫忽不準孰衍孰窮

問曰崑崙縣圖其尻安左

崑崙山左西北其顛曰縣圖縣圖上通於天尻

古居字

對曰積高于乾崑崙攸居蓬首虎齒爰允爰都

乾西北也是崑崙居之方也蓬首虎齒西王母

也西王居於崑崙

問曰增成九重其高幾里

淮南子崑崙之山其高萬五千里

對曰增城之里萬有五千

五又作三未詳

問曰四方之門其誰從焉西北闢啓何氣通焉

天地四方之門

對曰清溫燠寒迭出于時時之丕革由是而門辟

啓以通茲氣之元

春夏秋冬氣之出者即四方之門也

問曰月安不到燭龍何照

王逸曰天之西北有幽冥無日之國有龍銜燭

而照之

對曰倫龍口燎爰北其首九陰極冥厥明以炳

口燎謂銜燭也

問曰羲和之未揚若華何光

羲和日御也若華若木也

對曰惟若之華稟羲以耀

若水之光華受日而後光也

問曰何所冬暖何所夏寒

對曰狂山凝凝水于北至爰有炎洲司寒不得以

試

巖青巖北有冰山故夏寒南有炎洲故冬暖
問曰焉有石林何獸能言

石山無木猩猩能言

對曰石胡不林徃視西極獸言寥寥人名是達

西極有不木之山

問曰焉有虬龍負熊以遊

王逸云角曰龍無曰虬有無角之龍負熊獸以

遊

對曰有虬螭蛇不角不鱗螭夫玄熊相待以補

言有此二物相預而為神怪也

問曰雄虺九首倏忽焉在

王逸云虺蛇也倏忽電光也

對曰南有怪虺羅首以噬倏忽之居帝南北海

莊子南方之帝曰倏北方之帝曰忽王逸以為

電非也

問曰何所不死長人何守

王逸云括地象曰有不死之國長人防風氏又

長狄

對曰負丘之國身民後死封嶠之守其橫九里

防風氏身長九里

問曰靡萍九衢泉華安居

萍水草而生於九衢之路泉麻也王逸云交道

衢言萍草有生於水中無乃蔓行於九交道又

有泉麻乘不何所有此物乎

對曰有萍九岐厥圖以詭浮山孰產赤華伊泉

舊注山海經多言其岐五衢又云四衢衢岐也

王逸以為生九衢中恐謬又浮山有草焉其葉

如麻赤華即泉華也華即花字

問曰一蛇吞象厥大何如

山海經南方有靈蛇吞象三年然後出其骨

對曰巴蛇腹象足覲厥大三歲遺骨其脩已號

足見其大稱其長也號稱也

問曰黑水玄趾三危安在

玄趾三危皆山名黑水出崑崙

對曰黑水淫溢窮于不姜玄趾則北三危則南

不姜求詳蓋地名也

問曰延年不死壽何所止

仙也

對曰仙者幽幽壽焉孰暮短長不齊咸各有止胡

紛華浸汙而潛謂不死

名生而實死也

問曰鰈魚何所馳堆焉處

鰈音陵
馳音初

王逸云鰈魚鰈鯉也四足出南方馳堆奇獸也

對曰鰈魚人貌通刻姑射馳雀峙北號惟人是食

舊注山海經鰈魚在海中近列姑射山堆當為

雀馳雀在北號山如雞虎爪食人王逸誤注

問曰羿焉彈日烏焉解羽

淮南子堯時十日並出堯令羿射中九日月中

九鳥皆死墮其羽翼

對曰焉有十日其大百物羿宜炭赫厥射胡庸以

技屈大澤千里群鳥是解

舊注山海經大澤千里群鳥之所解問作鳥字

當為鳥後人不知因配上句改為鳥

問曰禹之力獻功降省下土四方焉得彼益山女

而通之於台桑閔妃匹合厥身是繼胡維嗜欲不

同味而快鼃飽啓代益作后卒然離蜚何啓維愛

而能拘是達皆婦射鞠而無害厥躬何后益作華

而禹禘降啓棘賓商九辯九歌何勤子屠母而死

分竟地

益音塗鼃音招早也興朝同離遭也蠶音孽夏

也台桑地名也拘隔也射行也藹音鞠窮也謂

有扈氏之所行皆窮惡也棘陳也賓列也商宮

商也九辯九歌啓所作樂也屠副剝也王逸云

禹脂剝母背而生其母之身分散竟地

朱熹曰
啓棘賓

商當作啓夢賓天如秦穆公趙簡子夢上賓于
駒天九秦萬舞也古篆書夢字似棘天字似商

對曰禹懲于績蠡婦巫合肢離厥膚三門以不脰

呱呱之不盡而孰圖味卒燥中野民故字

一作
字

暨彼呱呱克戡厥倖妙作夏猷后益于帝諄諄以不

命後為叟耆曷厥曷尊呱呱勤于德民以乳活扈仇

厥正帝授柄以捷兇窮聖庸夫孰克害益華民艱

咸繁厥粒惟禹授以土爰稼萬億遺溺踐埤休居

以康食姑不失聖天

一本無
聖天

胡往不道啓達厥聲

堪輿以坤辨同容之序帝以貨殯禹母產聖何驅

厥族復淫言亂囁聰駭以不處

禹懲創於無嗣故亟娶於塗山爾豈以慾哉彼

朕無朕而不恤也三過門而不視也駐即駐字

啓呱呱而不傷也而孰圖於世味之慾哉惟禹

之用心如此故卒能援天下之濕而置之於燥

字天下之民而置之於安暨猶暨也暨者安也

彼呱呱克戡者呱呱謂啓也啓能為善故使妙氏為

夏國而不使伯益得以代夏國且禹之薦益於天非不至也而天諄諄之命不歸於益者以啓之克職故也益雖不受命然不失為夏之老臣益又何處於已何孽於夏哉啓既受命而勤於德故民得以乳活也且啓之德正也有扈氏不正也以不正而讎正天之所以授啓以征伐之柄以捷之也兗之必窮聖之必功天之理也孰能害聖哉庸功也且夫伯益革民之艱食而使之粒食雖益之功也授天下以平土而得以稼出天下於既溺而踐履於堅土彼息天下之居而康裕天下之食者實禹之功也埴者堅土也食者食廩之食也禹之聖如此而啓又且不失禹之聖則天命胡往而不導之哉姑者且也道者導也啓達厥聲堪輿以呻謂啓能作九辯九歌以達樂之聲而天地之間莫不歌吟之也呻者吟也辯同容之序帝以貨嬪者何也容者和也大樂與天地同和啓之九辯九歌能分別其與天地同和始終先後之序則啓之樂大矣故能與天之和相貨易而易地皆和也與天之和相嬪配而無不齋也貨者易也嬪者配也帝者

天也禹母產聖何謳厥旅言禹母之產禹也初無膈剝母背之怪詩曰不圻不副副與謳同音相過切旅者背也旅與瞽同謂禹生之怪者淫瞽之言出於妄亂者之口而已聰者割耳而不聽此語也囁音畫口也賦音馘割耳也聰職猶曰洗耳云

問曰帝降夷羿革孽夏民胡羿射天河伯而妻彼雒嬪馮珧利決封豨是射何猷蒸內之膏而后帝不若泥娶純狐妻爰謀何羿之射革而交吞揆之

帝降夷羿革孽夏民者言天降后羿以篡夏革命而為夏民之尊也胡射夫河伯而妻彼雒嬪者河伯化為白龍羿何射眇其左目也羿又夢與雒水神宓妃交馮珧利決封豨是射者馮侍也珧弓名也音桃封豨神獸也言不德惟恃其弓以射神獸為田獵之娛也何猷蒸內之膏而后帝不若者言無德以事天獻封豨之膏以祭故帝不順不饗也泥娶純狐妻爰謀者羿之相害泥娶於純狐氏女眩惑爰之遂與泥謀殺羿也何羿之射革而交吞揆之者言羿以射革

命宜其強也何為寒泥輩交起而吞滅之

對曰夷羿滔淫割更后相夫孰作厥孽而誣帝以降震齔厥鱗集矢于皖肆叫帝不讎失位滋嫚有洛之嫖焉妻于狡夸夫一作夫快殺鼎狝以慮飽馨膏腴帝叛德恣力胡肥台舌喉而濫厥福寒泥婦謀后夷卒戕荒棄于野俾姦民是臧舉土作仇徒估身弧

虞人之箴曰在帝夷羿冒于原獸羿既滔淫荒急割絕夏后相而更代之此羿之自作孽也柰何誣以為天降之半震齔厥鱗集矢於皖者言河伯化為白龍其鱗鰓不深居而妄出自取矢之集其目也皖者明星也謂龍之目如星之明也左傳云集矢於其目肆叫帝不讎失位滋嫚者言河伯為弄所射上訴天帝乞帝殺羿而帝不允蓋訴之不誠故帝責河伯曰汝深守則羿何從而犯也河伯失水之位而妄出宜乎遭羿之嫚侮也有洛之嫖焉妻于狡夸美也音戶言洛妃之美焉肯妻於羿之兇狡也夸失快殺鼎狝以慮飽者言羿自矜其以殺為快故射封狝為鼎實以自飽也馨膏腴帝叛德恣力胡肥

台舌喉而濫厥福者謂羿以狝膏腴之香而祭天帝無德而恃力故帝不饗之帝者曰何肥甘我舌喉以僭濫求福也台音怡我也寒泥婦謀后夷卒戕荒棄于野俾姦民是藏者言寒泥伯明氏說子弟也而夷羿以姦民為善人信其說而但之宜泥與其婦謀羿婦自田殺而烹之棄骨于野者以姦民為臧之故也舉土作仇徒估身弧者舉率土與羿為仇而羿不知方且恃恃其身之力與弧矢之能而已恃身而不恃民恃藝而不恃德此其亡也

問曰阻窮西征巖何越焉化為黃能巫何活焉咸播秬黍蕭藿是營何由并投而肱疾脩盈阻窮西征巖何越焉者言堯放桀於腴阻窮荒之地使之西行而度越巖險也化為黃能巫何活焉者言化為黃熊入于羽淵雖有巫醫不能活也熊音奴來切三足鼈也見國語咸播秬黍蕭藿是營者言禹能平水土使民得播黑黍於蕭藿棘茨之地變蕪為田也何由并投而肱疾脩盈者由用也投棄也言何用禹而棄桀耶豈以肱疾惡脩長而貫盈耶

對曰鮫豭羽巖化黃而淵子宜播殖釋于丘于川
維莞維蒲維菰維蘆丕徹以圖民以謹以都堯酷
厥父厥子激以功克碩厥嗣後世是郊

釋玉篇云幼禾也子謂鮫之子禹也莞蒲菰蘆
之地皆大徹去其蕪蕪以圖農功民謹悅而美
之也都美也堯酷其父而禹能憤激以成功用
能碩大其後嗣以有天下而鮫乃得配上帝於
郊祀也

問曰白蜺嬰茀胡為此堂安得夫良藥不能固臧
天式從橫陽離爰死大鳥何鳴天焉喪厥軀

蜺雲之似龍者茀雲之似蛇者白蜺與茀氣相
嬰胡為在此祠堂乎此原之所見也安得夫良
藥不能固臧者崔文子學仙於王子儋子儋化
為白蜺而嬰茀持藥與崔文子文子驚怪引戈
擊蜺因墮其藥視之則子儋之尸也言得藥不
善也天式從橫陽離爰死者言天法陰陽從橫
陽氣去則人死也大鳥何鳴夫焉喪厥軀者崔
文子取子儋之尸覆之以弊崔須臾化為大鳥
而鳴飛而去言文子焉能士子儋之身也

對曰王子怪駭蜺形茀裳文視操戈猶憎夫藥良

終鳥號以游奮厥篚篚篋篋篋篋篋篋篋篋篋

文視操戈者視音斯福也又音視祁宮名二義
皆與此句不通攬恐當作視音直爾切奪衣也
謂崔文子見子儋蜺形茀裳而魂魄驚怖視奪
遂操戈以擊之也習漢莫謀謂明美昏黑莫得
而究也形胡在胡亡存亡亦不可得而推也

問曰萍號起雨何以興之

萍萍翳雨師名也雨師號呼則雨興何以然也

對曰陽潛而鬱陰蒸而雨萍馮以興厥號爰所
陰陽蒸炊而雨爾彼萍翳特馮藉以起而號呼
其所也非號而後雨也

問曰撰軀協脅鹿何膺之

天撰十二神鹿一身八足兩頭何以受此形
對曰氣怪以神爰有奇軀脇屬支偶尸帝之隅
氣怪且神故生此奇怪之身脇合為一面支分
為八以主天之方隅也

問曰鼈戴山抃何以安之釋舟陵行何以遷之

鼈大龜也擊手曰抃巨靈之鼈背負蓬萊山而
抃戲於海何以能安龜負山若舟使龜捨水而
行於丘陵何能遷從此山乎

對曰宅靈之丘掉焉不危齧厥首而恒以怙夷要釋而陵殆或誦之龍伯負骨帝尚窄之

丘即蓬丘也宅於巨靈之背而不危且怙安平夷也欲釋水而陵者天若謫譴以居陵何不可之有龍伯國人一釣而連六齧帝尚以為窄而不足夸也

問曰惟澆在戶何求于嫂何少康遂大而顛隕厥首女岐縫裳而館同爰止何顛易厥首而親以逢殆

澆多力論語曰澆盪舟至其嫂之戶佯有所求而遂淫其嫂少康因獵放犬遂襲澆而斷其首女岐即澆嫂也假縫裳而同室也少康初以夜襲得女岐頭誤以為澆故言易厥首

對曰澆嫁以力兄鹿聚之康假于田肆克字之既裳既舍宜咸墜厥首

澆淫且力也故曰嫁以力

問曰湯謀易旅何以厚之覆舟斟尋何道取之桀伐蒙山何所得焉妹嬉何肆湯何殛焉

湯謀變夏衆以從已何以恩厚之而得其從也少康滅斟尋氏易若覆舟何道以取也桀伐蒙

山之國而得妹嬉肆其情意而殛之

對曰湯奮葵旅爰以偃拊載厥德于萬以誅仇饒康復舊物尋焉保之覆舟喻易尚或殛之惟桀啗色戎得蒙妹嬉處最娛以大啓厥伐

湯之奮興而變夏衆以煦偃拊摩而得之自葛始以誅仇饒也少康復舊物故斟尋安得而保其國其易如取如携爾以覆舟喻之猶為難也湯之殛桀非湯也桀自淫自暴以啓之

問曰舜閔在家父何以鰥鳧不姚告二女何親厥肅在初何所意焉

舜憂其家而其父何以使舜之鰥鳧不告舜父母故得相親也

對曰瞽父仇舜鰥鳧以不儻鳧專以女茲俾亂厥世惟蒸蒸翼翼于嫡之泗

瞽不可告故鳧自專而女焉女去聲

問曰璜臺十成誰所極焉

紂作玉臺十重

對曰紂臺于璜箕克兆之

紂初作象箸箕子歎之知必至於王杯必盛熊隨豹胎則璜臺之兆箕子知之久矣

問曰登立為帝孰道尚之

天子之登立誰開道而崇尚之

對曰惟德登帝帥以首之

德則為帝天下相帥而推以為元首

問曰女媧有體孰制匠之

女媧人頭蛇身一目七十化其體如此誰制匠

而圖之

對曰媧軀虺號占以類之胡目化七十工擾詭之

相傳其蛇身則以蛇占之而圖以類之也豈有

化七十之說皆畫工詭異而為之爾

問曰舜服厥弟終然為害何肆大體而厥身不危

敗

舜卑以服事其弟而象欲害舜肆其大豕之心

而不能危敗舜之身也

對曰舜弟厥厥仇畢屠水大夫因優游以聖而執

殆厥禍大斷于德終不克以噬昆庸以致愛邑冀

以賦焉

舜之弟賊舜如仇浚井則屠之以水焚廩則屠

之以大豕如夫之自斷斷爾鳥能偶舜而舜蓋

其凡之道用之為諸侯以致其愛邑之於有鼻

以富其給

問曰吳獲迄古南嶽是止孰期去思得兩男子

有古公之子有吳大伯而太伯採藥南嶽止而

不還以讓周於王季兩男子謂太伯仲雍二人

皆去吳孰相期而使之去也

對曰嗟伯之仁邈季旅嶽雍同度厥義以嘉吳國

太伯之仁邈王季而羈旅於南嶽仲雍實同此

高義以成吳國之美度音鐸

問曰緣鵠飾王后帝是饗何承謀夏桀終以滅喪

帝乃降觀下逢伊摯何條放致罰而黎伏大說

后帝湯也伊摯因緣烹鵠美飾王后以事湯湯

賢之以為相遂承用伊摯之謀而謀桀桀遂滅亡

又云湯出觀風俗而逢伊摯伊摯遂放桀於鳴條而

黎民大說

對曰空來鼎敦諸義厥鵠惟軻知言爾焉以為不

仁易愚危夫曷校曷謀咸逃叢洲扈后以劉降厥

觀于下匪摯執義條代巢放民用潰厥死以夷于

膚夫曷不諒

伊摯生於空來負鼎于湯羹鵠以詣此皆妄說

也惟孟子知言視之以為不也爾視也音胡潤

切不肯方鳩切湯之代桀以至仁而革易至愚
至危之桀又曷用揆度而計謀哉桀之於湯為
叢敵爵為淵敵魚者也民皆逃竄輒而歸叢淵
此唐君之所以為湯度劉也劉殺也湯觀於天
下未有如伊尹者非尹孰承用哉伐桀於鳴條
而放之南巢如為民潰其身之瘡疣而平夷其
肌膚也曷不悅而歌哉

問曰簡狄在臺嘗何宜玄鳥致胎女何喜

簡狄帝嚳妃也簡狄侍帝嚳於堂上有燕隨卵
吞而生契

對曰嚳狄禱禱契形千胞胡乙敵之食而怪焉以
嘉

言契以禱而生不以燕之怪

問曰該秉季德厥父是誠

對曰該德胤考一作孝薦收于西瓜虎手鐵戶刑以

司憲

少皞氏之子熙為玄冥該為薦收言該之德能
嗣於父故列於神以主天地之刑以司天下之
惡也

問曰胡終弊于有扈牧夫牛羊

有扈澆國名也澆滅夏國相相之子少康為有
仍牧正典牛羊後殺澆滅扈以復夏

對曰牧正矜矜澆扈矣踣

步康以戒懼興有扈以驕淫亡

問曰千惻時舞何以懷之

對曰階于以娛苗華而格不迫以死夫胡狂厥賊

舞于羽以格苗有不在於于羽也緩其死而間

其生則苗民何怨於為盜而不懷

問曰牛骨曼膏何以肥之

紂宜憂亡者也憂則臞矣而肥何也

對曰辛后騷狂無憂以肥肆蕩弛厥體而充膏于
肌膚寶被躬焚以旗之

不憂故肥以貪故自焚紂衣其珠玉赴火而死

武王斬之懸其頭於大白之旗

問曰有扈牧豎云何而逢一作賀擊床先出其命

何從

夏啓時有扈氏本牧豎何逢而得侯及啓攻之
親擊殺之於床

對曰扈釋于牧力使后之民仇焉寓一作寓啓牀以
斯

扈以力西侯以失民心而無所居

問曰恒秉季德焉得夫朴牛何往營班祿不但還來

湯能常秉契之末德出獵得大牛之瑞湯獵而還以禽遍班祿惠于百姓不但往還田獵而已對曰殷武踵德奚獲牛之朴夫惟陋民是冒而不號以瑞卒營而班民心是市

湯能踵契之德以得天下者實也班禽而獲牛者非也此陋民蒙冒而稱其瑞小惠是班以市民心湯豈在是哉

問曰昏微循迹有狄不寧何繁鳥萃棘員子肆情晉大夫解居父聘於吳過陳之墓門見婦人負其子欲強暴焉婦人引詩刺之曰墓門有棘有鴟萃止獨不愧鴟乎言循闇微之迹而有夷狄之行不可以寧其身

對曰解父狄淫遭慙以被彼中之不目而徒以色視

以解父之強暴而遭陳婦之正信安得而不愧被乎此解父不見陳婦之心而見其色者也

問曰弦弟並淫危害厥兄何變化以作詐後嗣而

逢長

象賁惑其父以危害其兄而子孫父長君有龜何也

對曰象不兄龔而奮以謀蓋聖執凶怒嗣用紹厥愛

象不恭其兄而謀危其兄此象之凶也然舜之聖豈怒其凶哉不藏怒而親愛之此象之嗣所以繼紹而久長皆舜之親愛所延也

問曰成湯東巡有莘爰極何乞彼小臣而吉妃是得水濱之木得彼小子夫何惡之勝有莘之婦湯出重泉夫何辜尤不勝心代帝夫誰使排之

湯巡有莘而得妃有莘惡伊尹生於空桑故使之送女也重泉地名也桀拘湯於重泉何罪也湯不勝民心而伐桀桀自排之

對曰莘有玉女湯巡爰獲既內克厥合而外弔于德伊尹知非妃伊尹之知臣曷以不識胡木化于母以蜎厥聖喙鳴不良謾以詭正盡邑以塾孰譖彼夢湯行不類重泉是因遭虐立辟實罪德之由師馮怒以割癸挑而讎

伊尹之聖智豈待湯之妃而後達哉以伊尹聖

智之臣湯何以不識言湯自識之也伊尹母姓身夢神女告之曰曰竈生鼃巫去母走其邑盡為大水母溺死化為空桑有児啼人取養之即伊尹也柳子曰或者為是說以蠹伊尹之聖也為是說者不良之人欺謾以害正道也盡邑皆溺果孰傳此夢哉其誕也必矣湯之行不類於桀故桀囚之衆怒桀之囚湯而割夏實夏桀自批之以致讎爾

問曰會鼃爭盟何賤吾期蒼鳥群飛孰使萃之到擊紂躬叔且不嘉何親授義足周之命以咨嗟授殷天下其位安施反成乃亡其罪伊何爭遣伐器何以行之並驅擊翼何以將之

武王將伐紂遣膠鬲視師膠鬲問曰欲以何目武王曰甲子還報會大雨道難武王曰吾甲子日不至紂必殺膠鬲吾欲救賢者之死蒼鳥鷹也言武王之將師如鷹之群飛此孰聚之者白魚入舟周公曰雖休勿休故曰叔且不嘉爭遣伐器者伐紂之器爭先也並驅擊翼者三軍爭先奮擊其翼也

對曰膠鬲比紂兩行踐期捧盞救灼仁興以畢隨

鷹之咸同得使萃之頸紂黃鉞且孰喜之民父有豎矜以義之位庸庇民仁克莅之紂滋以害師殛之咸追厥死爭袒器之翼鼓顛禦謹與靡之繫沫也紂將殺膠鬲而為沫矣故武王如期而往如捧盞水以救焚灼顛禦未詳豎矜禮

問曰昭后成遊南土爰底厥利惟何逢彼白雉獲王巧拙夫何為周流環理天下夫何索求妖夫曳衡何號于市周幽誰誅焉得夫褒姒

周昭王南遊以趙裳氏不獻白雉親往逢迎之為楚人所沉拙貪也妖夫者周幽王前世有童諺曰廢孤箕服寔土周幽後有夫婦賣此器者以為妖執而曳戮之於市夏之表有二龍上於是庭而言曰子褒之二君也夏后布幣精而告之龍亡而繫左纘而藏之至周厲王之末歲而觀之繫流于庭化為玄鼃入後宮處妾遇之而孕生子棄之被戮之夫婦哀而收之奔褒褒人後獻此女是為褒姒拙音每

對曰水濱翫昭荆陷穢之繆逐趙裳疇肯雉之穆憐祈招猖佯以遊輪行九野惟怪之謀胡紿猘戴勝之獸麟瑤池以迭謠儒賊厥說爰繫其狐幽禍